

Yahya 15:9 Bakcando Bapak mangasiah Ambo, baitu pulolah Ambo mangasiah angku-angku. Andaknyo angku-angku tatap iduik sabagai urang nan Ambo kasiahi.

Yesaya 43:1,2 - Efesus 2:10 Kito adolah buatan Jehovah, sarato malalui Isa Almasih Jehovah mambantuak kito, supayo kito mangarajokan parkaro-parkaro nan baiak, nan lah Baliau pasiyapkan untuak kito.

Yeremia 1:5 - Galatia 1:15 Tapi, dek karano kabaiakkan ati Jehovah, Baliau lah mamiliah ambo sabalun ambo layie, sarato lah ma imbau ambo untuak malayani Baliau.

Yahya 15:16 Indak angku-angku doh nan mamiliah Ambo. Tapi Ambolah nan mamiliah angku-angku, Ambo pulolah nan manyuruah angku-angku supayo payi, untuak babuwah labek -- buwah nan indak bisa binaso. Mako Bapak ka mambarikan apo sajo nan angku-angku mintak ateh namo Ambo kabake Baliau.

3 Yahya 1:2 badowa mudah-mudahan angkau siyaik-siyaik, sarato kasadonyo baiak jo angkau, samo jo bakcando jiwa angkau baiak-baiak pulo andaknyo.

Yesaya 43:4 - 1 Petrus 2:9,10 Jadi, Tuhan tawu baa caronyo manyalamaikkan urang-urang, nan layi manuruikti kamauan Baliau, jikok urang-urang tu mandapek cobaan. Tuhan tawu pulo, baa caronyo manyimpan urang-urang nan jahek tu, untuak ka di ajab di Ari Pangadielan, 10 nan tarutamu bana adolah bagi urang-urang, nan mampaturuikkan sagalo awa napasu nan kumuah, sarato nan mahino kakuasaan Jehovah. Baitu barani, sarato jo ujunto guru-guru palasu tu, saingga inyo indak sagan-sagan mahino, mukaluak-mukaluak nan mulia nan di sarugo bagai!

Yeremia 31:3 - Efesus 1:4 Sabalun dunia ko dijadikan, Jehovah lah mamiliah kito malalui Isa Almasih, mukasuiknyo iyolah, supayo kito jadi miliak-Nyo nan tasandiri, sarato indak bacacek di adok-an Baliau. Dek karano kasiah Jehovah,

2 Timotius 1:9 Jehovah manyalamaikkan kito, sarato jo mamanggie kito, supayo manjadi umaik-Nyo sandiri. Baliau mampabuwek nan baitu, bukan basarkan kabake apo nan lah kito karajokan, tapi basarkan rancana Baliau sandiri, sarato jo rahmaik-Nyo. Baliau mambarikan kabake kito rahmaik-Nyo, malalui Isa Almasih, sajak sabalun dunia ko dijadikan.

Yahya 3:16 Dek karano Jehovah sabana mangasiah manusia di dunie ko, saingga Baliau mambarikan Anak-Nyo nan tungga, supayo satiyok urang nan picayo kabake Baliau indak binaso, malainkan mandapek iduik sajati nan kaka.

Hosea 11:8; Yesaya 49:15,16; & Yesaya 41:13,14

Lukas 12:32 Angku-angku nan indak bara urang bilangannya ko, janlah takuik!

Dek karano Bapak angku-angku suko mambarikan barakaik kabake angku-angku dari asie Pamarentahan-Nyo.

Matius 28:20 Ajalah urang-urang tu untuak mamatuahi kasadonyo, apo nan lah Ambo parentahkan kabake angku-angku. Sarato kana-ilah, baraso, nan Ambo indak ka maninggakan angku-angku doh, sampai ka akie jaman.

Yahya 14:1 "Janlah rasah ati angku-angku," kecek Isa Almasih kabake urang-urang tu. "Picayolah kapado Jehovah, picayo pulo lah kabake Ambo.

Zabur 23:1 - Yahya 10:11 Ambolah tukang gubalo, nan sabana-bana tukang gubalo. Tukang gubalo nan baiak, adolah, nan lai namuah manyarahkan angoknyo untuak domba-dombanyo.

Zabur 23:2 - Wahyu 7:17 dek karano, Anak Domba nan duduak di tangah-tangah kurisi tu, nan ka manjadi Tukang Gubalonyo. Baliau ka mambimbiang urang-urang tu, ka tampaik asa ayie nan mambari kahidupan. Mako Jehovah sandiri nan ka manyeka ayie mato, dari mato urang-urang tu.

Zabur 23:3,4 - Lukas 1:79 bakcando itulah Baliau mambarikan tarang-Nyo, untuak kasadonyo urang, nan iduik di nan kalam, sarato jo nan katakuik-an. Baliau mambimbiang kito, ka jalan nan manuju kadamaian.

Zabur 23:5,6 - 2 Korintus 1:10 Baliaulah nan lah manyalamaikkan kami, dari bahayo mauik nan sangaik manakuikkan tu. Isuak Baliau pulolah nan ka manyalamaikkan kami, dek karano kabake Baliaulah kami ma arokkan sagalo sasuatu.

Filipi 4:7 Mako aman santoso nan dari Jehovah, nan indak mungkin dapek dipahami dek manusia, ka manjago ati sarato jo pikieran angku-angku, nan lah basatu jo Isa Almasih.

Proverbs 3:24 & Zabur 4:8 - Yahya 14:27 Sanang salamaik nan di Ambo, nan Ambo tinggakan untuak angku-angku. Sanang salamaik nan punyo Ambo sandiri, nan lah Ambo agiahkan untuak angku-angku. Nan Ambo agiahkan tu indak samo doh jo nan diberikan dek dunia. Janlah rasah, janlah takuik.

Zabur 33:18 - 1 Petrus 3:12 salamo angku-angku manantikan, sarato marindukan tibonyo Ari Jehovah. Di Ari tu langik ka abih tabaka, dek karano di angeknyo, mako sagalo sasuatu nan ado di langik ka jalang.

Roma 5:2 Dek karano kito ba iman kapado Isa Almasih, mako Baliau mamungkinkan kito untuak dapek marasokan kasiah Jehovah, jo kasiah Jehovah tu lah, kito iduik kiniko. Dek karano itu, kito bagadang ati dek karano kito punyo harapan, nan baraso kito ka marasokan kabahagiaan nan diberikan dek Jehovah!

Yesaya 55:12 - Lukas 19:40 Isa Almasih manjawab, "Picayolah ka kecek Ambo! Jikok urang-urang tu anok, mako batu nan banyak ko nan ka basorak."

Yahya 16:22 Baitu pulo jo angku-angku: Kiniko angku-angku basusah ati, tapi

sudah tu angku-angku ka batamu jo Ambo baliak, mako angku-angku ka bagadang ati; indak surang juwo doh urang nan bisa ma ambiak sukocito tu dari ati angku-angku.

Lukas 12:9 Tapi jikok ado urang nan indak mangaku, baraso inyo pangikuik Ambo di adok-an urang nan banyak, mako isuak, inyo pun indak ka di akui pulo doh dek Anak Manusia di adok-an malekaik-malekaik Jehovah.

Matius 10:30 Rambuik nan di kapalo angkau tu pun, lah ba etong tu kasadonyo.

Yesaya 54:10 - Matius 24:35 Langik jo bumi ka ilang lanyok, tapi kato-kato Ambo ka tatap kaka salamo-lamonyo.

Matius 11:28-30 Bi datanglah kabake Ambo, oih kasadonyo angku-angku nan latiah, sarato nan bababan barek; Ambo ka ma agiahkan sumangaik nan baru kabake angku-angku. 29 Turuiklah parentah Ambo, sarato barajalah kabake Ambo. Dek karano Ambo ko lamah lambuik, sarato randah ati, mako iduik angku-angku ka basumangaik baliak. 30 Dek karano sagalo apo nan Ambo parentahkan tu manyanangkan, baitu pulo, baban nan Ambo pikuakan kabake angku-angku tu, indak barek.

Suleman 2:10 & Hosea 2:14,19,20

2 Korintus 11:2 Ambo taragak jo angku-angku, saroman jo Jehovah sandiri pun taragak pulo jo angku-angku. Angku-angku adalah saroman jo surang paja gadih nan suci, nan lah ambo janjikan untuak ka dinikahkan jo surang laki-laki, iyolah Isa Almasih.

Exodus 3:14 - Ibrani 13:8 Isa Almasih indak barubah, biya dawulu, biya kiniko, biyapun sampai salamo-lamonyo.

Hosea 13:4 - Rasul 4:12 Hanya malalui Isa Almasih sajolah urang dapek disalamaikkan. Dek karano, di muko bumi ko di antaro umaik mukaluak, indak ado doh urang nan lain nan mandapek kuwaso dari Jehovah, untuak manyalamaikkan kito.

Yahya 15:14 Angku-angku adalah kanti-kanti Ambo, jikok angku-angku layi mangarajokan apo nan Ambo parentahkan.

Yahya 14:6 Isa Almasih manjawab, "Malalui Ambolah jalan untuak dapek tawu jo Jehovah, sarato mandapekkan iduik nan sabana iduik. Indak surang juwo doh urang, nan bisa datang kapado Bapak, jikok inyo indak malalui Ambo.

Wahyu 3:20 Liyeklah! Ambo tagak di muko pintu sambia manokok. Jikok ado urang nan mandanga suwaro Ambo, sarato mambukakkan pintu, mako Ambo ka masuak manamuinyo; Ambo ka makan samo-samo jo inyo, nan inyo ka makan samo-samo jo Ambo.